

蒼梧縣志

卷十四
宦績

謫宦

流寓

蒼梧縣志卷之十四

列傳

地以人傳也人亦以地傳張曲江崔博陵其最著者而顏平原柳柳州亦卽所官之地稱之古今人同不同未可知其跡固可得而稽也茲采邑中官勲立之傳謫宦流寓次之鄉望次之列女以及方外壽考皆得附作列傳其忠義節烈兩傳特紀於列傳列女傳後並垂不朽

編目

宦績傳上第一

宦績傳中第二

蒼梧縣志

卷之十四

列傳

一

宦績傳下第三

謫宦傳第四

流寓傳第五

陳欽_至 丁密列傳第六

陳坦然_至 蒙惠列傳第七

何士麟_至 莫惟成列傳第八

朱子慶_至 陳暉祖列傳第九

忠義傳第十

列女傳上第十一

列女傳中第十二

列女傳下第十三

節烈傳第十四

壽考傳第十五

方伎傳第十六

仙釋傳第十七

蒼梧縣志

卷之十四

列傳

蒼梧縣志卷之十四

宦績傳上

路博德 羅宏 杜穆 馬援 陳稚升

喻猛 綦毋俊 夏方 陳臨 朱雋

張磐 賈琮 滕修 李靖 尉遲敬德

元結 王翊 杜佑 戴叔倫 韋丹

鄭畋 陳執中 梁適 狄青 鄭詒

李亨伯 蕭磐 陳宇 朱國寶

梧邑界在南服民獠雜處火蝨去害專賴武功化鴉懷音
又需文學自漢以來朝廷褒獎閭左謳思功德在人也此

蒼梧縣志

卷之十四

宦績傳上
路羅

三

外或瘡痍之後曲為拊循困憊方殷不令轉徙千百年後
慨慕有甚於桐鄉者風響相符可得而沒乎若夫冷職閒
冗雖不能比烈赫赫然教化所寄亦足勵俗方今大患去
矣念前之何以挫衄與後之何以安戢固此邦人所寤寐
頌祝者也誌宦蹟

路博德西河平州人以衛尉為伏波將軍伐破南粵

漢書

衛青傳

元鼎六年冬定越地以為南海蒼梧鬱林合浦

交阯九真日南珠崖儋耳郡

漢書武帝紀
崇祀名宦祠

羅宏長沙人元封五年初置交州部刺史察所部郡國治
所在蒼梧郡往刺史多以荒遠行部罕遍部吏因得恣

其貪殘宏爲刺史春行冬息徧歷所部咨詢疾苦太守
多解綬請罪宏廉實舉發一時貪殘爲之斂跡

粵西文載

祀名宦

杜穆西漢末守蒼梧值王莽亂閉境自守建武閒岑彭移

檄陳漢威德穆遣使奉貢封列侯

府志名宦祀

馬援字文淵扶風茂陵人建武十七年交趾女子徵側徵
貳反攻沒其郡九真日南合浦蠻夷皆應之寇掠嶺外
六十餘城側自立爲王於是拜援伏波將軍以扶樂侯
劉隆爲副督樓船將軍段志等南擊交趾軍至合浦而
志病卒援并將其兵遂緣海而進隨山刊道千餘里十

蒼梧縣志

卷之十四

宦績傳上
杜馬

四

八年春軍至浪泊上與賊戰破之斬首數千級降者萬
餘人追徵側等至禁谿數敗之賊遂散走明年正月斬
徵側徵貳傳首洛陽封援爲新息侯食邑三千戶復將
樓船大小二千餘艘戰士二萬餘人擊賊餘黨斬獲五
千餘人嶠南悉平所過輒爲郡縣治城郭穿渠灌漑以
利其民條奏越律與漢律駁者十餘事與越人申明舊
制以約束之自後駱越奉行馬將軍故事二十年秋振
旅還京師賜援兵車一乘朝見位次九卿援好騎善別

名馬於交趾得駱越銅鼓鑄爲馬式

廣州記曰獠獠鑄
銅爲鼓唯高大爲

貴面濶丈餘初成懸於庭尅晨置酒招致同類來者盈
門豪富子女以金銀爲釵執以叩鼓叩竟留遺主人

還上之詔置於宣德殿下二十四年征五溪蠻病卒初
援在交阯常餌薏苡以勝瘴氣南方薏苡實大欲以爲
種軍還載之一車人以爲南土珍怪及卒有上書譖之
者以爲前所載皆明珠文犀帝怒妻子草索相連詣闕
請罪然後得葬永平初乃修封樹起祠堂建初三年追
諡忠成侯

節後漢書本傳
祀名宦

陳稚升永平元年郡守治尙清靜民化之囹圄恆空臨水

釣魚以自適

文載
祀名宦

喻猛字驕孫豫章人和帝時爲郡守以清白爲治郡人歌

之西江志歌曰於惟蒼梧交阯之域禹貢厥人烏夷卉

蒼梧縣志

卷之十四宦績傳上
陳喻綦夏

五

服大漢爲宗迪以仁德出自中臺鎮於外國鳩集以禮

南人入服簡於帝廷功化畢植

府志
祀名宦

綦母俊上虞人安帝時爲交州刺史元初三年合浦蠻反

遣御史任遠督州郡兵討之後以蒼梧當合浦下蠻或

流劫猝難回顧乃先保障蒼梧後往合浦所向摧靡功

當封賞上書歸功於遠自謂致寇當誅詔下美之

見文
載

夏方九江人建康元年交州刺史時日南蠻夷千餘人攻

縣邑煽動九真方開誠招諭賊皆降服延熹三年居風

人爲亂方復爲刺史日南宿賊聞之二萬餘人相率詣

降見通志

陳臨字子然南海人永建中郡守推誠而理民有報父怨
殺人者爲吏所獲臨知其無嗣令其妻侍獄中後產一
男郡人歌之曰蒼梧府君惠及死能令死者不絕嗣

文載

祀名宦

朱雋字公偉會稽上虞人也交阯羣賊並起牧守不能禁
又梁龍等萬餘人與南海太守孔芝反攻破郡縣光和
元年拜雋交州刺史令過本郡簡募家兵及所調合五
千人分兩道入既到界按甲不動先遣使詣觀虛實宣
威德以震動其心既而與七郡兵進逼之遂斬梁龍降
者數萬人旬月盡定以功封都亭侯

見後漢書本傳

蒼梧縣志

卷之十四

宦績傳上
陳朱張

六

張磐字子石丹陽人交州刺史延熹五年長沙零陵賊起
攻入桂陽南走蒼梧時荊州刺史度尙廣募蠻夷明設
購賞破其渠帥降者數萬人其餘黨入梧者磐自將擊
之斬捕幾盡尙徵還京餘黨復熾尙復爲荊州刺史恐
磐上狀先誣奏磐乃徵下廷尉

文載

辭狀未正會赦見

原磐不肯出獄方更牢持械節獄吏謂磐曰天恩曠然
而君不出何也磐因自列曰前長沙賊胡蘭作難荊州
餘黨散入交阯磐身膺甲冑涉危履險討擊凶患斬殄
渠帥餘燼烏竄冒遁還奔荊州刺史度尙懼磐先言怖
畏罪戾伏奏見誣磐備位方伯爲國爪牙而爲尙所枉

受罪牢獄夫事有虛實法有是非磬實不辜赦無所除
如忍以苟免永受侵辱之恥生爲惡吏死爲敝鬼乞傳
尙詣廷尉面對曲直足明眞僞尙尙不徵磬埋骨牢檻
終不虛出望塵受枉廷尉以其狀上詔書徵尙到廷尉
辭窮受罪以先有功得原磬在官以清白稱後漢書本
傳祀名宦
賈琮字孟堅東郡聊城人舊交阯土多珍產明璣翠羽犀
象琦瑁異香美木之屬前後刺史多無清行上承權貴
下積私賂故吏民怨叛中平元年交阯屯兵反執刺史
及合浦太守自稱柱天將軍靈帝特勅三府選能吏有
司舉琮爲刺史琮到部訊其反狀咸言賦斂過重百姓
空單京師遙遠告冤無所故聚爲盜琮卽移書告示各
使安其資業招撫荒散蠲復徭役誅斬渠魁爲大害者
簡選良吏試守諸縣歲閒蕩定百姓以安巷路爲之歌
曰賈父來晚使我先反今見清平吏不敢飯在事三年
爲十三州最徵拜議郎見後漢書本傳
按漢刺史猶今督撫元封五年刺史與郡守皆治廣
信建安十五年刺史移治番禺自茲以後除已列祀
本邑名宦祠外大員非駐劄與其事功不專在本境
者不復附見下同

滕修字顯先南陽西鄂人孫皓時代熊睦爲廣州刺史甚

有威惠徵爲執金吾廣州部曲督郭馬等爲亂皓以修宿有威惠爲嶺表所服以爲使持節都督廣州軍事鎮南將軍廣州牧以討之未克而王師伐吳修率眾赴難至巴邱而皓已降乃縞素流涕而還與廣州刺史閻豐蒼梧太守王毅各送印綬詔以修爲安南將軍廣州牧持節如故封武當侯加鼓吹委以南方事修在南積年爲邊夷所附太康九年卒

晉書本傳
祀名宦

李靖字藥師京兆三原人蕭銑據江陵靖陳圖銑十策拜行軍總管江漢列城爭下以功封永康縣公檢校荊州刺史乃度嶺至桂州分道招慰酋領馮盎等皆以子弟

蒼梧縣志

卷之十四

宦績傳上
李尉遲

八

來謁南方悉定裁量款効承制補官得郡凡九十六戶六十餘萬詔書勞勉授嶺南撫慰大使檢校桂州總管靖以嶺南陋遠久不見德非震威武示禮義則無以變風俗卽率兵南巡所過問疾苦延見長老宣布天子恩意遠近懽服以功封衛國公薨年七十九

唐書本傳
祀名宦

尉遲敬德名恭以字行朔州善陽人以功封鄂國公卒贈

司徒陪葬昭陵

唐書本傳

貞觀八年巡察使

府志
祀名宦

按府志太宗貞觀八年命蕭瑀等十八人分行天下鄂公與焉以非常職故史傳畧之

元結字次山家瀼濱乾元初爲道州刺史進容管經畧使

身諭蠻豪綏定八州會母喪人皆詣節度府請留加左

金吾衛將軍民樂其教至立石頌德

唐書本傳
祀名宦

按梧州蒼梧縣唐武德屬桂管開元後改屬容州時容
州陷沒官多寄理梧州故其經畧使皆得以功祀於本
邑因並載其事下倣此

王翊字宏肱

一作明

太原晉陽人大曆五年遷容州刺史容

管經畧使自安史之亂頻詔徵發嶺南兵募充南陽魯
炅軍炅與賊戰於葉縣大敗餘眾離散嶺南谿洞夷獠
乘此相恐爲亂其首領梁崇牽自號平南十道大都統
及其黨覃問等誘西原賊張侯夏永攻陷城邑據容州

蒼梧縣志

卷之十四

宦績傳上
元王

九

前後經畧使陳仁琇李抗侯令儀耿愼惑元結長孫全
緒等雖容州刺史皆寄理藤州或寄梧州及翊至藤州
言於眾曰吾爲容州刺史安得寄理他邑乃出私財募
將健許奏以好爵以是人各盡力不數月斬賊魁歐陽
珪馳於廣州見節度使李勉求兵爲援勉曰容州陷賊
已久羣獠方強卒難圖也若務速攻祇自敗耳郡不可
復也翊請曰大夫如未暇出師但請移牒靖州揚言出
千兵援助冀藉聲勢成萬一之功勉然之乃以手札告
諭義州刺史陳仁瓘藤州刺史李曉庭等同盟約討賊
翊復募三千餘人力戰日數合節度使牒止翊用兵翊

慮惑將士匿其牒奮起士卒大破賊數萬眾擒其帥梁崇牽賊遁數百里外盡復容州故境翊發使以聞更置順州以遏餘寇前後大小百餘戰生擒賊帥上獻者七十餘人覃問遁去累兼御史中丞充招討處置使翊又令其將張利用李實等分兵討襲西原遂收復鬱林諸州部內暫安後因哥舒晁殺節度使呂崇貴嶺南復亂翊遣大將李實率所管兵赴廣州覃問復招合夷獠曰容州兵馬盡赴廣州郡可圖也於是悉眾來襲翊知其來伏兵禦之生擒覃問其眾大敗代宗聞而壯之遣中使慰勞加金紫光祿大夫

舊唐書本傳
祀名宦

蒼梧縣志

卷之十四

宦績傳上 杜

十

杜佑字君卿京兆萬年人以蔭補濟南參軍入爲工部郎中充江淮青苗使再遷容管經畧使楊炎輔政以戶部侍郎判度支建中初上議盧杞惡之出爲蘇州刺史改饒州俄遷嶺南節度使佑爲開大衢疏析塵閤以息火災朱崖黎氏三世保險不賓佑討平之卒年七十八贈太傅諡安簡

新唐書本傳
祀名宦

按謝通志以佑爲嶺南節度不兼五管經畧故不載其傳然考王翊傳翊爲容管經畧馳廣州見節度求兵是時賊據容管諸州而邕管亦亂故雖設嶺南西道而諸州皆在廣州管度所轄且已祀入名宦刪之非是今依

金通志府志補錄之

戴叔倫字幼公潤州金壇人撫州刺史遷容管經畧使綏徠蠻俗威名甚著其治政清明仁恕多方畧故所至稱最德宗嘗賦中和節詩遣使者寵賜代還卒於道

唐書本傳

祀名宦

韋丹字文明京兆萬年人元和初爲容州刺史教民耕織禁游惰興學校民貧自鬻者贖歸之禁吏不得掠爲隸拓城周十三里開屯田二十四所仁化大行後遷江南西道觀察使解官卒後宣宗讀元和實錄見丹治行卓然與宰相語周墀對曰韋丹有大功德被八州沒四十

蒼梧縣志

卷之十四

宦績傳上
戴韋鄭

十一

年民思之不忘乃詔觀察使上丹功狀勒於碑

府志節
唐書

祀名宦

鄭畋字治文系出滎陽舉進士時年甚少劉贍爲宰相薦授戶部郎中入翰林爲學士俄知制誥會討徐州賊龐勛書詔紛委畋思不淹晷成文粲然無不切機要勛平進學士承旨贍以諫忤懿宗賜罷畋草制書多褒言韋保衡等怨之以爲附下罔上貶梧州刺史初交廣邕南兵歲運嶺北五道米往餉之舟多覆沒畋請以嶺南鹽鐵委廣州節度使韋荷歲煮海取鹽直四十萬緡市虔吉米以贍安南罷荆湖等漕役軍食遂饒僖宗立內徙

柳絳二州以右散騎常侍召還遷兵部侍郎同門下平

章事

節唐書本傳
祀名宦

陳執中字昭譽南昌人咸平中知梧州不鄙薄其民陶以
豈弟上復古要道三篇真宗異而召之後爲平章事

府志

祀名宦

梁適字仲賢東平人康定中知梧州嶺地南漢時民間折
稅已重轉運使以調不足復欲折之適爲奏免民賴以
甦皇祐中爲樞密副使儂智高入寇移嫚書求邕桂節
度帝將受其降適曰若爾則嶺外非朝廷所有矣乃遣
狄青討之賊平帝曰若非適言南方安危未可知也

府志

蒼梧縣志

卷之十四

宦績傳上
陳梁狄

十二

祀名宦

狄青字漢臣汾州西河人善騎射歷官至權樞密副使皇
祐中廣源州蠻儂智高反陷邕州又破沿江九州圍廣
州嶺外騷動楊旼等師久無功又命孫沔余靖爲安撫
使討賊仁宗猶以爲憂青上表請行自言願得蕃落騎
數百益以禁兵羈賊首致闕下帝壯而許之遂除宣徽
南院使宣撫荆湖南北路經制廣南盜賊事時智高還
據邕州青合孫沔余靖兵次賓州先是蔣偕張忠皆輕
敵敗死軍聲大沮青戒諸將毋妄與賊鬪聽吾所爲廣
西鈐轄陳曙乘青未至輒以步卒八千犯賊潰於崑崙

關殿直袁用等皆遁青會諸將揖曙起并召用等三十人按以敗亡狀驅出軍門斬之沔靖相顧愕眙諸將股栗已而頓甲令軍中休十日覘者以爲軍未卽進青明日乃整軍騎一晝夜絕崑崙關出歸仁鋪爲陣賊旣失險悉出逆戰前鋒孫節搏賊死山下賊氣甚銳青執白旗麾騎兵縱左右翼出賊不意大敗之追奔五十里斬首數千級其黨及僞官屬死者五十七人生擒賊五百餘人智高夜縱火燒城遁遲明青按兵入城其爲賊所俘脅者悉慰遣之斂屍築京觀於城北隅時賊屍有衣金龍衣者眾謂智高已死青曰安知非詐寧失智高不

蒼梧縣志

卷之十四

宦績傳上

鄭

十三

敢誣朝廷也帝嘉其功拜樞密使初青之至邕也會瘴霧昏塞或謂賊毒水上流士飲者多死青殊憂之一夕有泉湧砦下飲之甘眾遂以濟始交阯願出兵助討智高余靖言其可信詔許之青旣至檄靖無通使假兵卽上奏曰假兵於外以除內寇非我利也以一智高橫蹂二廣力不能討乃假兵蠻夷蠻夷貪而無義因而啟亂何以禦之請罷交阯助兵從之賊平人服其智畧卒諡

武襄

宋史本傳
祀名宦

鄭誥字正臣德安人景祐四年進士以南康縣移知梧州時儂智高爲亂吏多避匿誥獨亟往治城塹集民以守

而州無事

見謝通志

李亨伯字安正龍溪人紹聖二年知梧州興學勸士卓有政聲歲增俸錢五萬不受建六賢堂以祀三陳三十七

賢堂以祀漢名宦喻猛等

文載祀名宦

蕭磐字安國閩清人宣和閒權知梧州軍事課農桑興學

校百廢具舉暇則引諸儒飲射讀法有古循吏風

見府志

祀名宦

陳宇莆田人紹興二十二年以大理正知梧州歲旱手書救荒十餘事行屬縣由是米商四集人得不饑留郡餘六萬斛建炎盜起增額宇累疏得仍舊流徙來歸猺獞

蒼梧縣志

卷之十四

宦績傳上李蕭陳朱

十四

帖然

文載祀名宦

朱國寶其先徐州人後徙寶坻至元十四年會諸道兵攻廣西靜江拔之進秩管軍萬戶鎮守梧州領安撫司事十五年加懷遠大將軍十六年遷定遠大將軍海北海南道宣慰使蠻賊連結鬱林廉州諸峒恣行剽掠國寶悉平之磔尸高化以懲反側任龍光等率所部五千戶降南寧謝有奎負固不服國寶開示信義有奎感悟以其屬歸來於是黎民降者三千戶蠻峒降者三十所十八年破臨高蠻寇五百人招降居亥番毫銅鼓博吐桐油等十九峒遣部韓旺率兵畧大黎密塘橫山誅首惡

李實火其巢生致大鍾小鍾諸部長十有八加鎮國上

將軍都元帥

見元史本傳

蒼梧縣志

卷之十四

宦績傳上

十五

宦績傳中

何源 劉銘 羅觀 山雲 李本

陳觀 袁衷 王翱 鄭觀 葉盛

劉大夏 袁凱 韓雍 劉滄 吳中

范鏞 朱英 朱鏞 屠瀟 秦鉉

唐珣 舒清 鄧廷瓚 蕭翀 潘蕃

徐珙 張吉 郭鉉 閔珪 毛銳

熊繡 曹琚 楊旦 蔡經 周任

姚鏌 翁萬達 王守仁 林富 劉士奇

張嶺 譚綸 盛應期 章拯 張岳

蒼梧縣志

卷之十四

宦績傳中 何劉

十六

郭仁 朱鴻漸 翁世經 邱雲霄 石銘

鄭綱 王鈞 李鵬舉 吳桂芳 王宗沐

張謙 劉陶 章熙

何源字幼澄吳江人洪武十年知梧州歲飢僚屬議請賑

於上源曰若請而後賑民其死且徙矣乃捐俸以拯全

活甚眾

府志

劉銘吉安人永樂元年判梧誠信廉明藤縣有殺繼母者

獄久不決忽有蛇蜿蜒來庭下如有所訴銘曰此繼母

冤致耶蛇俯首去卒正其法尋以招懷瓊黎功遷瓊州

府文載宦

祀名

羅觀永樂二年知梧州恤民瘼課農桑政尙平易有古循

吏之風

府志名宦

山雲徐州人宣德三年佩征蠻將軍印充總兵官討柳慶蠻韋朝烈破之賊保山巔山峻險挂木於藤壘石其上官軍至輒斷藤下木石無敢近者雲夜半束火牛羊角以金鼓隨其後驅向賊賊謂官軍至亟斷藤比明木石且盡眾譟而登遂盡破之南安廣源諸蠻悉下是夏忻城蠻譚團作亂雲討平之四年春討平柳潯諸蠻其秋維容蠻出掠遣指揮王綸破之雲上綸功並劾其殺良民罪帝宥綸而心重雲廣西自韓觀卒後諸蠻漸橫雲

蒼梧縣志

卷之十四

宦績傳中 羅山

十七

以廣西兵少留貴州兵爲用先後討平潯柳平樂桂林宜山思恩諸蠻九年又以鬱林苗猺非大創不服請濟師詔發廣東兵千五百人益雲雲分道勦捕擒斬甚眾復遣指揮田眞攻大藤峽破之雲在鎮先後大戰十餘斬首萬二千二百六十降賊首三百七十奪還男女二千五百八十築城堡十三鋪舍五百陶磚鑿石增高益厚自是猺獞屏跡居民安堵論功進都督同知璽書褒勞雲謀勇深沉而端潔不苟取公賞罰嚴號令與士卒同甘苦臨機應變戰無不捷廣西鎮帥初至土官率饋獻爲故事帥受之卽爲所持雲盡却之由是土官畏服

調發無敢後者所至詢問里老撫善良察誣枉士人皆愛之英宗卽位雲墜馬傷股帝遣醫馳視以病請代優詔不許進右都督正統二年上言潯州大藤峽諸山相錯猺寇出沒左右兩江土官所屬其狼兵素勇若於近山屯種斷賊出入不數年賊必坐困報可嗣後東南有急輒調狼兵自此始也明年冬卒於鎮贈懷遠伯諡忠毅廣西人思雲不置立祠肖像祀焉

明史本傳
祀名宦

李本河南人宣德七年任梧州時中貴督貢方物多妄索輒挫辱守令本至中使不敢肆人服其丰裁

通志
祀名宦

陳觀湖廣人正統六年梧州知府崇尚文雅民有小過犯

蒼梧縣志

卷之十四

宦績傳中
李陳袁王

十八

者多所輕貸豪强玩法奸吏舞文則痛懲之歲少有水

旱卽憂形於色

文載
祀名宦

袁衷東莞人舉進士正統閒梧州知府因民俗爲治務持

大體飭武備治城池爲計甚悉

文載

王翱字九臯鹽城人景泰三年潯梧猺亂總兵董興武毅推委不任事于謙請以翁信陳旺易之而特遣一大臣督軍務乃以命翱兩廣有總督自翱始翱至鎮將吏讐服推誠撫諭猺人向化部內無事明年召入爲吏部尙

書

明史本傳
祀名宦

按自翱後總督多駐梧州至韓雍實始開府終明之世

未嘗更易萬厯之間雖移肇慶僅稱行臺

鄭觀字允巽武進人由訓導累官至廣西按察司僉事分
巡蒼梧諸郡猺獞猖獗兩奉命參贊軍務悉剿平之朝
廷兩遣使齎金豸衣寶鏹爲賜景泰庚午入朝遂乞休

見獻徵錄

葉盛字與中崑山人天順二年爲右僉都御史巡撫兩廣
瀧水猺鳳弟吉肆掠督諸將生擒之時兩廣盜蜂起所
至破城殺將諸將怯不敢戰殺平民冒功民相率從賊
盛以蠻出沒不常請自今攻劫城池者始以聞餘止類
奏疏至兵部駁不行盛與總兵官顏彪破賊砦七百餘

蒼梧縣志

卷之十四

宦績傳中
鄭葉劉

十九

所彪頗濫殺謗者遂以咎盛六年命吳禎撫廣西而盛

專撫廣東

明史本傳
祀名宦

劉大夏字時雍華容人天順甲申進士宏治十三年總督
兩廣勅使臨門卽攜二僮以行旌賢才斥貪穢裁冗費
更役法上下不便者一切正之鎮帥闔臣私役戍卒悉
取還伍時有請添設兵備諸官者大夏言官無定制上
有十羊九牧之擾民無定役下有皂隸馬夫之費況司
府官員名重於利猶知自檢州縣之佐利重於名徒增
民害因奏革撫徭參政捕盜通判諸官數十民多稱便
官至兵部尙書卒諡忠宣

文載
祀名宦

袁凱字舜舉華亭人天順閒以按察僉事治兵潯梧凱善兵每督戰身輒疾馳爲士卒先賊屯長洲村官兵遙望有懼色凱麾兵前賊驚引去屬阻水還戰諸兵奮擊無不一當百悉俘斬以歸葉盛上其功有中沮者韓雍復以爲言乃超遷按察使其在蒼梧收上海人周昇孤兒長壽載之歸及長妻以甥女人皆高其行誼

見文載

韓雍字永熙長洲人浙江左參政廣西猺獞流剽廣東殘破郡邑殆遍成化元年正月大發兵拜都督趙輔爲總兵官以太監盧永陳瑄監其軍兵部尙書王竑曰韓雍才氣無雙平賊非雍莫可乃改雍左僉都御史贊理軍

蒼梧縣志

卷之十四

宦績傳中

袁韓

二十

務雍馳至南京集諸將議方畧先是編修邱濬上書大學士李賢言賊在廣東者宜驅在廣西者宜困欲宿兵大藤峽扼其出入蹂其禾稻期一二年盡賊賢善之獻於朝詔錄示諸將諸將主其說請令遊擊將軍和勇率番騎趨廣東而大軍直趨廣西分兵撲滅雍曰賊已蔓延數千里而所至與戰是自敝也當全師直搗大藤峽南可援高肇雷廉東可應南韶西可取柳慶北可斷陽峯諸路首尾相應攻其腹心巢穴旣傾餘迎刃解耳舍此不圖而分兵四出賊益奔突郡邑益殘所謂救火而噓之也眾曰善輔亦知雍才足辦賊軍謀一聽雍雍等

遂倍道趨全州陽崗苗掠興安擊破之至桂林斬失機
指揮李英等四人以徇按地圖與諸將議曰賊以修仁
荔浦爲羽翼當先收二縣以孤賊勢乃督兵十六萬人
分五道先破修仁賊窮追至力山擒千二百餘人斬首
七千三百級荔浦亦定十月至潯州延問父老皆曰峽
天險不可攻宜以計困雍曰峽延廣六百餘里安能使
困兵分則力弱師老則財匱賊何時得平吾計決矣遂
長驅至峽口儒生里老數十人伏道左願爲嚮導雍見
卽罵曰賊敢給我叱左右縛斬之左右皆愕旣縛而袂
中利刃出推問果賊也悉支解剝腸胃分挂林箐中纍
纍相屬賊大驚曰韓公天神也雍令總兵官歐信等爲
五哨自象州武宣攻其北身與輔督指揮白全等爲八
哨自桂平平南攻其南參將孫震等爲二哨從水路入
而別分兵守諸隘口賊魁侯大狗等大懼先移其輜重
於桂州橫石塘而立柵南山多置滾木礮石鏢鎗藥弩
拒官軍十二月朔雍等督諸軍水陸並進擁團牌登山
殊死戰連破石門林崗沙田右營諸巢焚其室廬積聚
賊皆奔潰伐木開道直抵橫石塘及九層樓諸山賊復
立柵數重憑高以拒官軍誘賊發矢石度且盡雍躬督
諸軍緣木攀藤上別遣壯士從間道先登據山頂舉礮

賊不能支遂大敗先後破賊三百二十四砦生擒大狗及其黨七百八十人斬首三千二百有奇墜溺死者不可勝計峽有大藤如虹橫亘兩崖閒雍斧斷之改名斷藤峽勒石紀功而還分兵擊餘黨鬱林陽江雒容博白次第皆定帝大喜賜勅嘉勞召輔等還遷雍左副都御史提督兩廣軍務雍乃散遣諸將以省饋餉而遺孽侯鄭昂等遂乘虛陷潯州及雒容北流二縣雍被劾引罪帝宥之雍益發兵撲討時諸賊所在蜂起思恩潯賓柳城悉被擾掠流劫至廣東欽化二州皆應時破殄四年春雍以兩廣地大事殷請東西各設巡撫帝可之命陳

濂撫廣東張鵬撫廣西而雍專理軍事尋以憂歸明年兩廣盜復起僉事陶魯言兩廣地勢錯互當如臂指相使不可離析近賊犯廣西臣與廣東三司議調兵匝月未決盜賊無所憚乞仍命大臣總督便會僉事林錦巡按御史龔晟亦以爲請乃罷兩廣巡撫而起復雍右都御史總督如故又明年正月雍疏辭新命乞終制不許雍抵任遣參將張壽遊擊馮昇等分道討賊忻城八砦蠻及諸山猺獞掠州縣者皆摧破之蠻民素懾雍威寇盜寢息九年柳潯諸蠻復叛參將楊廣等俘斬九百人方更進而賊破懷集縣兵部劾雍奏報不實廣西鎮守

中官黃沁素憾雍抑己因訐雍且言其貪欲縱酒濫賞
妄費帝遣給事中張謙等往勘而廣西布政使何宜副
使張敷銜雍素輕己共醞釀其罪謙還奏事虛實交半
竟命致仕去雍有雄畧善斷動中事機臨戰率躬親矢
石不目瞬自奉尊嚴三司皆長跪白事軍門設銅鼓數
十儀節詳密裨將以下繩桺無所假借兩地鎮守宦官
素驕恣亦惕息無敢肆疾惡嚴坦中不爲崖岸揮斥財
帛不少惜故雖令行禁止民得安堵而謗議亦易起爲
中官所齟齬公論皆不平兩廣人念雍功尤惜其去爲
立祠祀焉家居五年卒年五十七正德閒諡襄毅

明史本傳

蒼梧縣志

卷之十四

宦績傳中
韓劉吳范

二十三

祀明宦

按雍功多在潯州而開府實在蒼梧梧之駐兩廣總督
自雍始

劉滄巴陵人成化十年知縣時兵荒流徙撫循安輯俾得

其所民多感之

舊志
祀名宦

吳中字時中樂平人成化閒知梧州時韓襄毅初開府軍

需芻午處之裕然百廢俱興民不見擾

見府志

范鏞字彥聲豐城人成化閒按察副使潯梧鬱林諸處寇
亂督師韓雍檄鏞親抵賊巢諭以逆順諸酋望風畏服
未幾潯鬱賊復起朱英檄鏞往討賊聞鏞至驚惶請罪

朱英字時傑桂陽人兩廣總督吳琛卒廷議以英前在廣東有威信遂以代琛自韓雍大征以來將帥喜邀功利俘掠名為鷗勦英至鎮以寧靜約飭將士毋得張賊聲勢妄請用師招撫猺獞效順者定為編戶給復三年於是馬平陽朔蒼梧諸縣蠻悉望風附田州酋黃明欲殺知府岑溥英將進討檄溥族人岑欽殺明傳首軍門溥梧高廉賊起偕總兵陳政分道擊之再戰俘斬甚眾十九年桂林平樂蠻攻城殺將復擊破之明年入掌都察院事

見明史本傳

蒼梧縣志

卷之十四

宦績傳中朱屠秦唐舒

朱鏞字廷用臨安人官右參政甫至以軍務行邊紀功蒼

梧督平鬱林賊還師桂林有疾致仕歸 見文載

屠浦字朝宗鄞縣人宏治改元總督兩廣軍務兼巡撫未

一年斬獲猺獞最多柳州諸處戍軍舊皆番調風土殊

習比代死者過半乃為區處分守多所全活 見文載

秦紘字世纓單縣人宏治二年督兩廣奏言中官武將率

縱人擾商賈擅執軍職受民訟非制請嚴禁絕 見明史本傳

唐珣字廷貴華亭人宏治七年督兩廣府江盜起督副將

歐磐等討之斬首六千級賜勅嘉勞焉 見明史藁

舒清字本直德興人宏治八年廣西布政使憲宗遣中使

取古琴玩物清抗疏止之民得不擾蒼梧吳廷舉自負
氣節於人少所推遜會災異疏陳時政獨薦舒清謂其
遺愛在民近子產外和內剛近胡宿清不求人知近胡
質急流勇退近錢若水其爲名流所推重如此文載祀名宦
鄧廷瓚字宗器巴陵人宏治八年督兩廣治尙簡易於吏
事但總大綱結羣蠻以恩信不輕用兵兵出必成功鬱
林雲鑪大桂諸蠻及四會飢民作亂以次討平之兩廣
遂無事見明史本傳

蕭翀字凌漢內江人宏治十四年督兩廣古田賊韋朝威
殺副總兵馬俊參議馬鉉勢益熾調兵大征翀招撫爲

蒼梧縣志

卷之十四

宦績傳中鄧蕭潘徐張

二十五

多左州土人韋廣隆爲亂征之盡索其黨寘諸法見文載

潘蕃字廷芳崇德人宏治十四年督兩廣思恩土府岑濬
與田州岑猛相仇殺猛窮乞援蕃諭濬罷兵不從乃與
鎮守太監韋經總兵毛銳集兵十餘萬討之濬死傳首
軍門劉瑾覈梧州貯鹽利軍賞銀不以時解逮問蕃罰
米輸邊瑾誅以原官致仕見明史本傳

徐珙海陽人宏治十五年以鄉薦司府訓剛方嚴正士類
信服學宮後有五顯祠珙曰此何地而得以淫祠逼處
乎立毀之會二子相繼卒或以爲祟曰天命也鬼能禍

福哉終不惑府志

張吉字克修餘干人宏治中梧州知府出榷鹽之利以佐公用省不均之徭民有徙者皆相率而歸文廟樂制廢壞吉延樂師呂應禎聚諸生習之祀事惟謹尋遷廣西按察副使備兵府江申教令嚴武備察奸吏擇將領次第兼舉推誠禦下以意創鴛鴦銃偏架弩教士練習沿江山盤林翳設謀控治使賊不得藏伏又以府江東西二賊爲犄角而東賊慄悍尤甚遂併力於東數月之間斬獲甚眾由是西賊聞之亦皆自戢府江以寧金通志祀名宦

郭鉉字彥和合肥人宏治中充副總兵鎮廣西永安獐流刼府江鉉首議用兵分路進剿俘斬甚眾事母孝而自

蒼梧縣志

卷之十四

宦績傳中
郭閔毛熊

二十六

奉約澹然有寒素風

見通志

閔珪字朝英烏程人宏治初督兩廣瀧水柳慶獐獐相繼爲亂討平之討古田連破七砦賊悉就撫見文載

毛銳陝西人伏羌伯忠之孫宏治初鎮兩廣平蠻賊累有功賜璽書獎勵九年以破賊增歲祿二百石思恩土官岑濬反與總督潘蕃討平之又討平賀縣獐加官至太子太傅正德三年劉瑾坐以處置田州失宜逮下詔獄獄具革其加官並歲祿五百石已而起鎮湖廣卒諡威

襄

見明史毛忠傳

熊繡字汝明寧遠人正德元年督兩廣盡裁幕府供億秋

毫無所取二年討平賀縣猺獞召掌南京都察院事見
明史本傳

曹琚字仲玉桂陽人宏治丙辰進士正德元年梧州知府
時林廷選爲總督妖賊李通寶竊發林檄琚巡諸邑會
北流已陷殺鬱林署印官擒巡捕通判以去選乃屬琚
督軍追捕聞賊在陸川追及之戰於新橋斬十餘級賊
入於莽追斬之又十餘級遂歸秋風根蓋其巢也諜知
其必遁入黃山遂伏兵其下以待夜半賊果至伏發追
斬五十餘級琚駐鬱林通寶來攻又敗之追斬百餘級
於是其黨咎通寶曰爾謂能役神兵以護我今安在耶

蒼梧縣志

卷之十四

宦績傳中
曹楊蔡

二十七

皆欲散通寶懼而逃憩荒圃中遊騎圍之民有識通寶
者大呼曰此通寶也遂斬以歸餘黨悉平乃令脅從者
使歸耕選其子弟之秀者入學城郭公署學宮堞樓之
屬皆修葺之而民不知費建議復鬱林守備之舊廷選
從其請 見文載

楊旦字晉叔建安人正德十三年督兩廣素清謹巡按誣
劾吏部爲駁白竟不行見文載

蔡經字廷彝侯官人正德十六年進兵部右侍郎總督兩
廣斷藤峽賊侯公丁據弩灘爲亂經與御史鄒堯臣等
定計以軍事屬副使翁萬達誘執公丁參議田汝成請

乘勢進討命副總兵張經將三萬五千人爲左軍萬達
監之指揮王良輔等六將分六道會南寧都指揮高乾
將萬六千人爲右軍副使梁廷振監之指揮馬文傑等
四將分四道會賓州抵賊巢夾擊賊奔林崗而東良輔
等邀之賊中斷復西奔斬首千二百級其東者遁入羅
運山萬達等移師攻之檄右軍緣江而東繞出其背賊
刊巨木塞隘口布蒺藜箠簽伏激弩毒鏢懸石樹杪急
則撼其樹石皆墜官軍並以計破之右軍愆期田州土
酋盧受乃縱賊去俘其眾四百五十招降者二千九百
有奇土人言祖父居羅運八世矣未聞官軍涉此土也

蒼梧縣志

卷之十四

宦績傳中
周姚

二十八

捷聞進經左侍郎加秩一級尋與毛伯溫定計撫定安
南再進右都御史平思恩九土司及瓊州黎進兵部尙

書

明史本傳
祀名宦

周任字以仁江西人宏治進士正德閒累官梧州知府時
大舉用兵資餉百務皆取給於梧任百度咸舉中閹武
勛並涖勢張甚任正色處之潛翦其羽翼置於法乃畏

憚弗敢肆卒於官

見文載

姚鏞字英之慈谿人嘉靖四年右都御史提督兩廣軍務
兼巡撫田州土官岑猛謀不軌鏞調永順保靖兵使沈
希儀與張經李璋張佑程鑒各統兵八萬分道討而鏞

與總兵官朱麒等攻破定羅丹梁用希儀計結猛婦翁
岑璋使爲內應大破之斬猛子邦彥璋誘殺猛獻其首
詔進鎮左都御史加太子少保蔭一子官諸將進秩有
差鎮請改流官陳善後七事制可乃命參議汪必東僉
事申惠與參將張經以兵萬人鎮其地必東惠移疾他
駐猛黨盧蘇王受等詐言猛不死借交趾兵二十萬且
至夷民信之蘇等薄城經突圍走城遂陷王受亦攻入
思恩府巡按御史石金劾鎮失策罔上並論前總督盛
應期帝以鎮有功許便宜撫勦蘇受數求救鎮不許將
大討之會廷議起王守仁督兩廣軍令鎮與同事鎮引

蒼梧縣志

卷之十四

宦績傳中

姚翁

二十九

疾乞罷許馳驛歸初廣東提學道魏校毀諸寺觀田數
千畝盡入霍韜方獻夫諸家鎮至廣追還之官韜獻夫
恨甚與張璉桂萼合排鎮謂大同當征而反撫田州當
撫而反征皆費宏謀國不臧釀成南北患時宏雖去猶
借鎮以排之也鎮旣得請方候代千夫長韋貫徐伍攻
復思恩鎮上其狀詔先賞貫等而以撫剿事宜俟守仁
處置旣而鎮奏辨石金前疏詆金阻撓養寇金亦再疏
詆鎮帝先入璉等言落鎮職閒住明史本傳
祀名宦
翁萬達字仁夫揭陽人嘉靖五年進士授戶部王事再遷
郎中出爲梧州知府仇鸞鎮兩廣縱部卒爲虐萬達縛

其尤橫者杖之鸞爲斂戢閱四年聲績大著會朝議將
討安南遷萬達廣西副使專辦安南事萬達請於總督
蔡經曰莫登庸大言中國不能正土官弒逆罪安能問
我今憑祥州土舍李寰弒其土官珍思恩府土目盧同
煽九司亂龍州土舍趙楷殺從子燧煖又結田州人韋
應殺燧弟寶斷藤峽猺侯公丁負固此曹同惡共濟一
旦約爲內應我且不自保先禽此數人問罪安南易下
耳經曰然惟君之所爲於是誅寰禽同招還九司誘殺
楷佯繫訟公丁者給公丁執諸坐以兩軍破平其巢又
議割四崗屬南寧降崗豪黃賢相登庸始懼遷浙江右
蒼梧縣志

卷之十四

宦績傳中 姚王

三十

參政經以征安南非萬達不可奏留之乃命以參政涖
廣西已而毛伯溫集兵進剿萬達上書伯溫言揖讓而
告成功上策也懾之以不敢不從中策也芟夷絕滅終
爲下策伯溫然之會獲安南謀者丁南傑萬達解其縛
厚遇遣之去怵以天朝兵威登庸大懼乃詣伯溫乞降
是役也萬達功最賞不逾常格然帝知其能遷四川按

察使

明史本傳
祀名宦

王守仁字伯安餘姚人嘉靖六年思恩田州土酋盧蘇王
受反總督姚鏌不能定乃詔守仁以原官兼左都御史
總督兩廣兼巡撫守仁在道疏陳用兵之非且言思恩

未設流官土酋歲出兵三千聽官征調既設流官我反歲遣兵數千防戍是流官之設無益可知且田州鄰交阯深山絕谷悉獠獠盤據必仍設土官斯可藉其兵力爲屏蔽若改土爲流則邊鄙之患我自當之後必有悔章下兵部尙書王時中條其不合者五帝令守仁更議十二月守仁抵潯州會巡按御史石金定計招撫悉散遣諸軍留永順保靖土兵數千解甲休息蘇受初求撫不得聞守仁至益懼至是則大喜守仁赴南寧二人遣使乞降守仁令詣軍門二人議曰王公素多詐恐給我陳兵入見守仁數二人罪杖而釋之親入營撫其眾七

蒼梧縣志

卷之十四

宦績傳中

王

三十一

萬奏聞於朝陳用兵十害招撫十善因請復設流官量割田州地別立一州以岑猛次子邦相爲吏目署州事俟有功遷知州而於田州置九巡檢司以蘇受等任之並受約束於流官知府帝皆從之斷藤峽獠賊上連八寨下通仙臺花相諸洞蠻盤亘三百餘里郡邑罹害者數十年守仁欲討之故留南寧罷湖廣兵示不再用俟賊不備進破牛腸六寺等十餘寨峽賊悉平遂循橫石江而下攻克仙臺花相白石古陶羅鳳諸賊令布政使林富率蘇受兵直抵八寨破石門副將沈希儀邀斬軼

賊盡平八寨

明史本傳
祀名宦

集駱兩越漫江西湖廣四省為兵駐南寧已定議招撫遣人說
盧蘇王受投見既薄數四下復要郡倅命為質且疑沮軍門不
已許帶甲來見既薄數四下復要郡倅命為質且疑沮軍門不
卒咸易田酋更與其眾不約即事不測各放炮反既入甲見
幾填市巷酋更與其眾不約即事不測各放炮反既入甲見
公命發門外杖之百行杖者皆田人微示數而已眾聞
杖酋愕不省何謂遽鼓噪放炮三蕪不發聲會聞
杖無恙眾遂定方鼓噪時公坐廳事伴為不聞惟命
牙兵速畢杖此雖公之雅量鎮物亦豈非天幸哉

按守仁以六年十一月二十日抵梧州任上疏謝恩兼

陳管見疏載外傳紀事篇十二月即往潯州其後駐節

南寧田州事畢至潯平八寨始班師歸梧

林富字省吾莆田人繼王守仁提督巡撫任功在思田

見通志

蒼梧縣志

卷之十四

宦績傳中
林劉張譚

三十二

劉士奇字邦正順德人嘉靖七年梧州知府庭無留獄郡

故多竹舍罹火患士奇為民築牆垣以避火吏收支多

侵牟奸士奇為正法焉後按為格刊定性書以示多士

有盜藏鏹者訊不服陰索其家得之其摘伏類如此

文載

祀名宦

張嶺字時俊蕭山人督兩廣上思州賊流剗州縣嶺討禽

之嶺西白水等賊眾至數萬僭名號率官兵討之

見文載

譚綸字子理宜黃人嘉靖四十年督兩廣隆慶元年入廣

任事招降岑江崙賊江月照等設營據險以除七山諸

寇時荔浦永安之間亂者四起綸檄總兵俞大猷咨進

剿計籌畫甚悉事甫就緒而北邊告急後徵還部綸破賊必絕其根株不苟便目前雖去廣後代者如郭應聘殷正茂輩悉諄復指陳授以方畧綸任本兵復從中贊之故輒有成功

見通志

盛應期字思徵吳江人嘉靖時督兩廣討平思恩土目劉召朝議大征岑猛應期條上方畧七事

見明史本傳

章拯字以道蘭谿人以刑部主事忤劉瑾調梧州通判時夷獠數百人叫噪於馬平單騎往諭之開以大義獠遂解散累遷左布政使檢舊例務省約朝廷爲戚里陳萬年建甲第派省藩羨餘銀萬兩拯以廣西地瘠民貧素

蒼梧縣志

卷之十四

宦績傳中
盛章張郭朱

三十三

無積財惟軍門有犒賞餘銀乞將協濟以甦民困巡撫張公嶺從之不煩括索而上下恬然時論躉之

見文載

張岳字維喬惠安人督兩廣討破封川獐蘇公樂等平馬平諸縣猺賊先後俘斬四千

見明史本傳

郭仁龍溪人嘉靖六年司府訓操行廉介同郡人林潤客於梧疾篤以二百金屬仁治後事曰餘以謝也林卒仁捐金治棺殮殯寺後募僧守之書召其家人不至明年仁病且瞑急命其子薦以林屬銀寄官庫封識宛然督

撫林富義之特表其墓

見府志

朱鴻漸吳縣人舉進士嘉靖十八年梧州知府出納必親

奸胥無所售羨歸於公往者官貫於民不償其直鴻漸著爲禁令修學宮躬勤課講王師平交南過境籌措有方民不知兵以艱去行李蕭然累官福建布政使見文載

翁世經福建人嘉靖二十四年梧州知府加意學校治道

塗修府庫立三關百廢具舉秩滿去闔邑思之見文載

邱雲霄崇安人以歲薦嘉靖二十五年任府學訓導學問

該博督學謝汝槐檄修省志遷國子監典簿令柳城縣

所至有聲嘗著止山集尺牘抄行見府志

石銘長樂人舉賢書嘉靖三十六年署府學事標經史大

義啟迪諸生絕不與戶外事尋卒督學陳善治躬祭其

蒼梧縣志

卷之十四

宦績傳中
翁邱石鄭王李吳

三十四

樞曰才足以仕而不利其官德足以壽而不永其年已

焉哉夫固命之窮也已見府志

鄭綱嘉靖三十八年總督舊志
祀名宦

王鈞字子宣會稽人嘉靖三十六年督兩廣兼巡撫先是

督撫自置賞功所凡金錢出入無敢覈者鈞改貯梧州

有犒賞移文給之出納有稽嫌疑不作而軍儲亦漸盈

雄梧二府稅錢舊資軍餉及是皆罷輸之北邊見獻徵錄

李鵬舉歸善人嘉靖三十九年梧州通判公暇進諸生講

心性之學署容縣懷集置學田造士養民多善政見通志

吳桂芳字子實新建人嘉靖閒分守嶺西以作養人材爲

任四十二年督兩廣所著有兩廣疏議師暇哀言

見文載

王宗沐字新甫臨海人嘉靖閒爲廣西提學視事三日召諸生升堂與語沖容緩節人皆聳聽試蒼梧爲故尙書

吳廷舉擇族子二人並廩學舍使守宗祀

見文載

張謙字子受慈谿人嘉靖閒廣西左參政時督撫應櫜方討叛猺至梧州遂以七山羅旁賊屬謙七山居蒼梧岑藤諸縣閒廣二百餘里凡三十七寨山谷險絕竹箐茂密梧人多爲賊閒謙縱軍士樵蘇潛圖其山川險易及進兵便易處督參將王寵朱昇各以五千人分道入適朝議伐安南佯令兵具安南餉而請督撫別發兵防賊

蒼梧縣志

卷之十四

宦績傳中
王張劉俞

三十五

逸入羅旁值上元節置酒高會而二將由潯州上流夜倍道入七山賊臥未起聞礮聲散入林谷中我兵搜捕畧盡梧士民建祠以祀

見文載

劉陶廬陵人嘉靖二十九年蒼梧知縣廉潔而嚴時民任館庫里甲之役蒼梧當孔道措辦無休日陶獨毅然絕交際卽歲時於上官無私覲聽斷明允不以權勢翫法遇攢造躬較版圖盡剔諸弊民賴以蘇

郝志

章熙字世曜海陽人嘉靖中官按察僉事分巡蒼梧白馬三洲故險道也江路逶迤林木深阻諸蠻窟伏爲患久矣熙至首白督撫檄縣邑治火具大斧長鑿之屬以千

數下令集諸營兵躬度其地勢高下而刊夷之盡伐其
樹赭其山分兵守焉自是諸蠻奔突竄伏不敢復出

見文

載

蒼梧縣志

卷之十四

宦績傳中

章

三十六

宦績傳下

殷正茂 俞大猷 林 梓 李 錫 凌雲翼

陸萬垓 郭應聘 李日巽 林喬楠 蕭 彥

陳大科 林茂槐 凌嗣音 謝君惠 陳 鑑

陳熙韶 李 汴 吳文華 呼良朋 梁子璠

章金鉉 姚張斌 衷崇寅 張鏡心 金九陞

汪德元本朝 沈倫 張繼曾 田昇龍 閻 玫

陳 緯 傅宏烈 陳上年 楊廷耀 屈大法

黃元驥 郝 浴 羅文舉 張仲璜 安自治

潘名世 彭 鵬 張維遠 李 濤 李世孝

蒼梧縣志

卷之十四

宦績傳下 殷

三十七

張若霈 徐嘉賓 鄭交泰 王友蓮 林 策

李 源 屠 英 詹作述 傅 潢

殷正茂字養實歙縣人隆慶初古田獐韋銀豹黃朝猛反

三年冬廷議大征遷正茂右僉都御史巡撫廣西正茂

與提督李遷調土漢兵十四萬令總兵俞大猷將之先

奪牛河三厄險隘諸軍連克東山鳳皇寨蹙之潮水廖

元誘獐人斬朝猛銀豹窮令其黨陰斬貌類己者以獻

捷聞進兵部右侍郎巡撫如故改古田為永寧州設副

使參將鎮守未幾僉事金桂捕得銀豹正茂因自劾詔

磔銀豹京師置正茂不問尋代遷提督兩廣軍務以次

盡平諸盜

明史本傳

正茂嘗建委官運鹽之議以其息

充軍餉綜理詳密軍需賴以不匱終明世增損其法行

之卒莫能易

文載祀名宦

俞大猷字志輔晉江人爲廣西總兵官故事以勲臣總兩廣兵與總督同鎮梧州帝用給事中歐陽一敬議兩廣各置大帥罷勛臣乃召恭順侯吳繼爵還京以大猷代予平蠻將軍印而以劉顯鎮廣東兩廣並置帥自大猷及顯始也隆慶二年錄功進右都督廣西古田獐黃朝猛韋銀豹等嘉靖末嘗再刼會城庫殺參政黎民表巡撫殷正茂徵兵十四萬屬大猷討之分七道進連破數

蒼梧縣志

卷之十四

宦績傳下俞林李

三十八

十巢賊保潮水巢極巔攻十餘日未下大猷佯分兵擊馬浪賊而令參將王世科乘雨夜登山設伏黎明礮發賊大驚諸軍攀援上賊盡死馬浪諸巢相繼下擒朝猛銀豹積寇盡除進世蔭爲指揮僉事

見明史本傳

按明自成化後總兵與總督並駐梧州故并錄之

林梓福建漳浦人隆慶五年梧州知府歲荒賑禦有法民

無死徙以艱去累官通政使

見通志

李錫欽縣人隆慶六年春以征蠻將軍鎮廣西平樂府江者桂林抵梧驛道也南北亘五百里自嘉靖閒張岳討平後至是復猖獗道路梗塞城門晝閉巡撫郭應聘與

錫計徵兵六萬使錫居中節制破賊巢數十斬馘五千
獐酋悉授首錄功進世職見明史本傳

凌雲翼字洋山太倉州人萬曆三年提督兩廣進征羅旁
四閱月克巢五百六十俘斬招降四萬餘人岑溪六十
三山七山鄰境獠獍皆懼賊首潘積善求撫奏設官戍
之六年夏討平河池諸蠻嶺表悉定見明史本傳

陸萬垓字仲鶴平湖人萬曆七年梧州知府擒撫獠蠻關
東安西寧二寨府治火萬垓躬爲經始百度維新見府志

郭應聘字君賓莆田人萬曆八年巡撫與總督劉堯誨奏
設三鎮進右都御史督兩廣前督多受將吏金應聘悉

蒼梧縣志

卷之十四

宦績傳下
凌陸郭李林蕭陳

三十九

謝絕踰年召掌南京都察院兄通志

李日巽字順之惠州人

通志作
長樂人

萬曆十一年知縣廉正明

允減差役免災米修書院社學邑人感之

舊志
祀名宦

林喬楠晉江人萬曆十三年梧州知府蠲水火災米豁清
丈重稅賑傷殘通糶糴郡治火喬楠修復之遷副使見

通志

蕭彥字思學涇縣人萬曆十九年督兩廣奏蠲民賦而輸

梧關稅羨以資國計籌邊周悉卒於官

見通志

陳大科字如岡通州人萬曆二十一年撫廣西會田州土
官告變授計右江道討平之上善後七策大要以弛征

撤戍柔懷新附爲本又岑溪七山等山獍聚復授計左江道討平之已而外蠻莫黎二氏搆兵請於朝爲立恩信招徠二氏皆請降

通志
祀名宦

林茂槐福清人舉進士萬曆二十四年司理梧州聰穎過人是非立辨性嗜學手不釋卷進梧人士課藝多所成

就

見府志

凌嗣音浙江烏程人萬曆二十七年梧州知府當岑溪北陀大兵後兼助大工中璫權稅嗣音爲先事綢繆裁節有方人心遂安

見通志

謝君惠將樂人萬曆四十四年知懷集縣保赤愛民邑人

蒼梧縣志

卷之十四

宦績傳下
林凌謝陳

四十

有青天之譽遷刑曹復以郎中出守梧州剔弊汰冗清

聲尤著

府志

陳鑑石屏人萬曆四十五年梧州知府甫再月梧城大火城內外公私廬舍俱燼鑑徒步周詢所賑以千餘計時有乘機夜掠者捕獲以軍令徇民乃安是年粵西復大稔柳慶橫邕潯梧稻盡稿諸郡殍死相藉鑑發倉粟平糶盡則以價轉糶廣東接濟民食闢梧陽書院選十屬生徒俊異者處之修護龍隄浚鱷魚池瀦蓄其水爲學宮後奠在任四年遷分守潯寧道去郡人建祠祀之

文載

祀名宦

陳熙韶南海人舉鄉薦萬曆四十七年同知梧州府學問該博靜重端方言笑不苟事無大小必詳慎周悉署府篆一載一遵成法不事更張權稅廠僅足額而細稅悉捐商民德之梧郡舊志皆熙韶所論定以存文獻有功來禛云 見府志

李汴宜山人萬曆閒司訓蒼梧勤於課士修學置田有文詞行世 舊志

吳文華字子彬連江人巡撫廣西討平南鄉陸平周塘板寨獠及昭平黎福莊請終養歸起巡撫遷總督岑岡賊李珍江月照拒命久文華購禽月照平珍尋入爲南京

蒼梧縣志

卷之十四

宦績傳下
陳李吳呼梁章

四十一

工部尙書爲治持大體務休息作殘墨二戒以訓官屬

見明史郭應聘傳及府志

呼良朋字如蘭鎮東人官至總兵佩征蠻將軍印時昭州叛卒爲亂奉命征府江斬虜獠賊數千進擊諸支崗盡平之 見通志

梁子璠南海進士天啟二年知縣逐積蠹革陋規凡病民者悉請裁省上官知其廉能檄權梧廠正額外無苛取商旅悅之後入爲御史以論事廷杖謫戍尋放還卒梧

民立爲祠以祀之

舊志參粵西文載
祀名宦

章金鉉漢川人崇禎五年以御史出知梧州府公明剛介

綱紀振肅而不爲深苛士農商旅各安其業有古循吏

之風

見府志

姚張斌字憲卿臨川人崇禎八年任蒼梧道政事詞訟裁斷立辦而好學不輟圖書外無長物清節卓行人咸稱

之

見府志

衷崇寅南昌人崇禎九年任梧州推官大獄多所平反常自謂勅罰之司稍涉輕率則故入故出之咎不能自免於心舊例府僚歲理廠務一季崇寅以職司明刑無關度支固辭讓之其清介有足稱者

見通志

張鏡心字湛虛河南磁州人崇禎十年督兩廣平諸蠻寇

蒼梧縣志

卷之十四

宦績傳下
姚衷張金汪

四十二

功鐫兩粵碑有平蠻紀事八卷

見府志

金九陞字允訥全椒人崇禎十三年分巡蒼梧道時崙猺焚掠鬱林北流總督張鏡心令九陞會剿九陞偵知賊巢與知州劉履丁知縣張問士直趨鳳凰山口先後斬獲滿朝哥等一百九十餘人殲其魁餘氛盡滅復葺瑞泉書院以課諸生

見通志

汪德元歙縣人崇禎十五年知縣時楚藩避寇入梧衛兵驕悍挺身扞禦禁其暴虐賀縣土寇起郡戒嚴參將出師防禦境上德元爲往來饋餉撫循百姓賊滅乃安

舊志

參通志
祀名宦

國朝

沈倫景陵人

府志作湖廣天門人已丑進士

順治八年梧州知府時梧疆

初闢招徠安集大兵經由郡邑倫悉心經理纖毫不以

擾民後值賊李定國寇梧力竭城陷不屈而死

一統志祀名宦

張繼曾貴州舉人順治十三年以儀制司郎中為梧州知

府屬寮餽獻概擯絕之時兵戈未靖事日殷繁繼曾請

優免雜派減省差役民困得甦三載卒於官僕從僅二

人有司檢其囊篋蕭然無長物

通志祀名宦

田昇龍遼東人順治十四年巡按廣西疏陳粵民窮困凡

鹽埠營債諸弊立除之旗弁有強估民產並奪子女者

蒼梧縣志

卷之十四

宦績傳下沈張田闔陳

四十三

力為禁止又請改藩邸為貢院

國朝粵西實興自此始

一統志祀名宦

閻玫正定人壬辰進士順治十四年梧州推官巡按田昇

龍行部知玫剛正檄與相隨按逮積蠹五人論如律時

鎮標占據城中民屋玫言之昇龍疏請給還民得復業

一統志祀名宦

陳緯臨朐人順治十五年戊戌進士十八年知縣慈惠廉

潔遇事剛果敢為涖任數月有巨豪以奸事毒殺一儒

生已鞫得其實獄具尋為有力者賄於當事強釋之緯

復取置之法人咸稱快再期卒於官筭篋蕭然其子思

靖來奔喪邑人賻之始得歸葬

舊志參通志府志
祀名宦

傅宏烈字仲謀江西進賢人守慶陽逆藩吳三桂潛謀不軌宏烈探知狀首發之鞫訊者阿三桂竟誣坐以辟繫獄尋得減死戍蒼梧無何三桂叛閩越湖南相繼陷宏烈募義兵出龍南庾嶺東迎

王師授廣西巡撫佩撫蠻滅寇將軍印遂復梧潯郡縣數十城晉秩太子太保己未秋全粵底定猶以雲貴未平誓滅巨魁三疏辭撫篆選甲勵兵進討取道柳州柳降將馬承蔭驚悸邀計機宜諸將校知承蔭叵測力阻其往宏烈曰吾素撫柳帥厚柳帥既許我前驅倘蓄疑大事蒼梧縣志

卷之十四

宦績傳下
陳

四十四

不集我推心置渠腹渠忍有是乎竟單騎往爲所執械送桂陽作絕命詞絕粒詈罵遂遇害宏烈前後請留中密疏如預陳尙逆反情布置投誠官兵及籌畫勦撫機宜皆洞中肯要沒後

勅贈太子太師予祭葬諡忠毅偕馬文毅雄鎮同祀於桂林

省城雙忠祠梧城人亦祠祀之

府志

按傅忠毅曾戍蒼梧康熙十六年始復梧城馬文毅時爲巡撫駐桂林故不錄其傳

陳上年字祺公清苑人順治己丑進士歷官廣西參議以孝友聞居無私蓄逆寇破梧州迫以官不屈後以死事

蒙

恩優卹

見府志

楊廷耀遼東人康熙四年任梧州通判土賊唐三蠻等屢劫官餉廷耀捕斬之盜患遂息分權梧關刊定稅貨則例按往來船戶人給一紙吏役不敢苛索署容縣事李定國餘黨竄踞大容山連結猺獞廷耀以計禽逐遠近

帖然

一統志祀名宦

屈大法督標副兵官也康熙十三年僞總兵緱成德率師攻梧時知府楊彥溶城守王邦相皆賊黨人心惶懼桂林藩督兵會擊賊暫退議委屈大法守城大法相機宜

蒼梧縣志

卷之十四

宦績傳下湯屈黃

四十五

於石英山樹柵開塹與府城犄角分兵駐守江上列哨船備礮石防衛嚴密寇不能入人心乃安大法復招集潰兵撫綏百姓梧城藉以保障至今人猶稱之

府志

黃元驥字德臣福建晉江人康熙十九年任廣西按察使會大兵由粵西進討雲南將軍賴塔素知元驥前守南昌時猝應軍胥才移書總督金光祖檄以轉餉卽兼程趨南寧是時苗蠻多阻險延望元驥宣布

朝廷威德開誠化導率響應建議就地募夫充運諸內郡民得免侵冒瘴癘遠役之苦爲圜轉遞運法自竹洲塘直接滇省計里設塘計塘設汛分設目長逐塘遞接更番

休息先至者別出賞以旌之前後運糧數百萬日用夫六千六百人增口糧給禦寒止舍之具人心踴躍叢山疊嶺閒輓役不勞而餉饋日充師歌騰飽以至凱捷元驥實總其役也康熙二十二年遷任山東布政通志祀名宦
郝浴定州人康熙二十二年巡撫調劑戎務清理鹽政改折米之令除采銅之擾定粵船載送大兵接替之法絕雲南投誠家口遶道之害時撤回藩旆浴措置晏如凡舊在藩邸工傭悉釋爲民一時政聲遠近無不稱善一統志

志嶺表炎熱馬多斃浴爲奏請汰冗兵減營馬通志祀名宦

羅文舉永定人初任廣東千總累立戰功遷廣西梧州守

蒼梧縣志

卷之十四

宦績傳下郝羅張安潘

四十六

備康熙十四年寇犯藤縣奉調應援奮勇殺賊陷陣而

亾事

聞贈官予祭給葬銀三百兩官其子一人府志

張仲璜字半玉漢陽人由歲貢生康熙二十七年授梧州

府同知潔己愛民尤加意於弭盜時古雍塘天容山巨

盜陸亢登等憑險出沒數爲民害仲璜甫至密計擒其

渠魁置之法餘黨悉散民賴以安未幾以父憂歸見府志

安自治臨桂人康熙二十八年教諭如訓子弟不動聲色

捐俸勸建學宮與有力焉舊志

潘名世漢軍正藍旗貢生康熙三十七年知縣政尙嚴明

胥吏畏服先是縣學宮附於府學其舊址爲上官行臺
子衿久廢至是始捐俸修復舊志名宦

彭鵬字奮斯莆田人康熙三十九年巡撫廣西通志先聲

所至貪墨股栗下車後省刑布德減稅輕徭粵西舊有
魚膠鐵葉之供非本省所產每歲赴粵東購運鵬疏請

免之一統志名宦

張維遠字德侯奉天人康熙四十三年分巡右江道右江
蠻獠雜處夙稱難治猺獞憑陵出沒素爲民害維遠至
謂若輩亦有人心何忍不教而誅乃多方導諭由是民
風丕變賊盜寢息以其俸入之餘設義學賑飢民尋遷

蒼梧縣志

卷之十四

宦績傳下
彭張李李

四十七

驛鹽道禁絕私販商有餘資引不壅滯通志名宦

李濤德州人康熙四十一年廣西布政使時有虧官帑者
株連他族或妄指民產爲己物追索嚴急濤廉知其實
勘請咨豁安業者萬家一統志修復書院買田爲諸生

膏火通志名宦

李世孝字虞徽鑲紅旗漢軍康熙四十八年由盛京刑部
員外郎任梧州知府歲癸巳大饑捐俸糴米煮粥於大
雄寺設廠全活甚眾分給各鄉亦如之自是路無餓莩
初梧州茶山書院自邑令劉以貴勸建尙無恆業世孝
始爲置藤縣二十五都田千餘畝以資諸生膏火更名

迴瀾卽今名傳經者是在官八年口碑載道去之日江干兩岸扶老携幼數里涕泣相送兄世仁康熙十九年涖梧亦有惠政梧人士思之爲立祠茶山書院之東並祀之

府志

張若霈桐城舉人康熙六十年由嚴州府同知歷治中遷梧州知府梧郡商賈輻湊不逞之徒每潛入爲盜捕之急則逋還廣東若霈至團練鄉勇嚴飭保甲使相守望有自首改悔者分隸卒伍中予月糧本地無勾引胥篋者亦屏跡梧州有權稅之廠往往因緣爲奸若霈處膏不潤商賈稱便稅課以充報最遷驛鹽道值鹽政弊壞

蒼梧縣志

卷之十四

宦績傳下
張徐

四十八

議改爲官運官銷立法之初頭緒繁多若霈經畫盡中機宜以積勞卒於官

通志
名宦

徐嘉賓順天大興人由內閣中書選授桂林同知題陞知府於雍正元年涖梧秉心慈惠事之利民者汲汲爲之而才識明斷諸弊悉除重修藥王廟設方藥以救民病捐修書院加意造士遇水旱賑恤貧乏者必遍給之郡舊無倉儲自捐俸一千五百兩糴米三千石詳請設立社倉以備歉歲賑飢之用涖任三載其痼瘼民瘼類如此四年調任慶遠府至今士民懷德口碑如新嘗自謂矢志利濟乃夙秉庭訓云

府志

鄭交泰香山貢生乾隆二十年知縣廉明愛士捐俸倡修學宮邑有慶琳寺僧以罪去寺且圯矣交泰爲請於上官移南街修明兩義學改建鼓巖書院以其田給諸生膏火延師講授蒼邑專有書院自此始

採訪冊

王友蓮山西永濟舉人乾隆五十七年梧州知府慈祥惻人呼爲阿婆時甲寅蒼梧大水城不沒者三版民多離析繼以大飢多方調卹煮粥於大較場就哺者日數千計全活甚眾

採訪

林策江西瀘溪進士嘉慶十五年知縣勤於課士每試諸童環立爲講釋經義待如子弟蒼邑文風爲之一變

采

蒼梧縣志

卷之十四

宦績傳下
鄭王林李

四十九

訪冊

李源宛平副貢嘉慶二十一年知縣潔己愛民勤慎自矢前令積案不治吏因緣爲奸源在任三年事必躬親獄無留滯先是長行鄉土賊結東匪黨數百人劫掠富家留塘峽強峽地頗險僻白晝亦然源陰遣健兒往捕得主藏者律以窩盜罪眾遂解散東安石橋墟尤多盜源廉知之急會營勦捕不旬日盡獲首惡政暇卽接見紳士問民疾苦設門牌清保甲時太守謝芝田郡丞屠木齋緝捕易信菴皆良吏彼此同心有犯必懲幾於夜不閉戶士商感其廉明勤毅以鏡一奩水一盃登堂而祝

去之日多有攀轅流涕者上官爲保卓異後官至監司屠英字木齋徽州進士嘉慶二十年由國子監助教任梧州府同知時蒼梧南五鄉多盜白日行劫道路爲梗英訪土人李述烜覓勇健潘實宏等以計擒之諸賊斂跡又力行保甲閭里獲安尋遷廣東肇慶府知府採訪詹作述字明齋武緣人嘉慶庚午鄉舉道光九年借補訓導啟迪有方一時從遊者皆知名顏其堂曰培風在任八年廉靜方正近城諸生度歲無資恆周之以艱去弔者盈門晚年截取直隸南宮令操守益謹再暮卒於官

採訪

蒼梧縣志

卷之十四

宦績傳下
屠詹傳

五十

傅潢字松眉貴筑進士道光十二年知縣方正廉明遠近悅服與吏民相見如家人衙齋清肅平時手不釋卷工作文兼耽吟咏著一朵山房詩文集如千卷大憲過境一切供億皆爲裁減遷全州知州卒貧無以葬邑人爲致賻焉

論宦績者彪炳國書凌轢宇宙尙矣然亦有功不必上躋姚姒事實可獨立古今循良可補色笑如生長民者其有千秋萬世之思乎

謫宦傳第四

虞 翻 杜讓能 劉 珏 呂 撫 詹志文

虞翻字仲翔會稽餘姚人孫權以爲騎都尉數犯顏諫諍
權不能悅積怒非一遂徙翻交州雖處罪放而講學不
倦門徒常數百人在南十餘年年七十卒 三國志本傳

翻雖在徙棄心不忘國常憂五谿宜討聞遣周賀等往
遼東求馬以爲去人才以求馬旣非國利又恐無獲欲
諫不敢復作表以示呂岱岱不報爲憎者所白復徙蒼

梧孟陵 三國志裴注

杜讓能字羣懿審權子如晦七世孫爲翰林學士初關東

蒼梧縣志

卷之十四

謫宦傳四
虞杜劉

五十一

兵興帝倚重之李克用兵至帝夜出鳳翔讓能從次褒
中遷兵部侍郎同中書門下平章事李茂貞兵至三渭
橋表讓能罪帝不得已涕下與訣遂貶梧州刺史語在

紀事傳再貶雷州司戶參軍 昭宗紀參本傳

劉珏字希范湖州長興人隆祐太后奉神主如江西詔珏
爲端明殿學士權從知三省樞密院事從行金人攻吉
州分兵追太后舟至太和縣衛兵潰珏奉太后退保虔
州監察御史張延壽論珏罪珏亦上書自劾踰嶺俟命
落職提舉江州太平觀延壽論不已責授秘書少監貶
衡州紹興元年許自便以朝散大夫分司西京卒於梧

州宋史本傳

呂撫齊州人丞相頤浩子官至朝散郎貶梧州司戶秦檜追憾頤浩再竄藤州撫雖在貶所以詩書自娛無遷逐

苦舊志

詹志文孝感人宏治閒舉人左遷蒼梧典史久之嘆曰與其縻祿自屈孰若適志自樂遂棄官去通志

按舊志志文載入循良實無政績可考且典史官係左遷故依通志錄於謫宦

論曰流徙編管以處有罪僉佞投荒待以不死宜矣至於感時嫉俗忠憤激昂聽者不聰又有媒蘖之者

蒼梧縣志

卷之十四

謫宦傳四

呂詹

五十二

千古所同聲共哭也此仲翔諸公之不幸而地方之幸也

流寓傳第五

劉熙程秉薛綜顧譚袁徽

李白吳武陵李羣玉楊衡蘇軾

黃庭堅解縉程文德沈世治

劉熙字成國北海人博覽多識建安中薦辟不就避亂交

阯往來蒼梧閒授生徒數百人嘗卽物名以釋義作釋

名二十七篇諡法三卷行於世舊志作釋名序曰名之

於實各有義類百姓口授而不知其所以然之意故撰

天地陰陽四時邦國都鄙車服喪紀下及民庶應用之

器卽物名以釋義凡二十七篇府志

蒼梧縣志

卷之十四

流寓傳五
劉程薛顧

五十三

程秉字德樞南頓人少明周易詩書事鄭元得其奧秘後

避亂交阯與劉熙考論大義遂博通五經所著有周易

商尙書駁論語弼凡三萬餘言舊志

薛綜字敬文沛郡竹邑人避地嶺南從劉熙學所著有詩

文名曰私載又定五宗圖述二經解傳於世舊志少依

族人辟地交州士燮旣附孫權召綜爲五官中郎除合

浦交阯太守三國志本傳

顧譚字子默吳郡人權徙之交阯發憤著新言二十篇共

知難篇蓋自道也年四十二卒於嶺表舊志

按漢建安十五年以前交阯刺史治廣信凡漢書三國

志所稱交阯卽此地之總名至黃武五年始分交廣二州移交州治交阯郡之龍編乃今安南地通志以譚徙交阯爲安南刪之非是

袁徽陳郡人渙從弟

通志

以儒素稱遭天下亂避地交阯

司徒徵辟不至

三國志袁渙傳

按漢末交阯刺史治廣信時蒼梧地稱交阯

李白謫夜郎時道出蒼藤閒寓赤水峽之廣惠寺右有巖白讀書其中有詠紫藤詩云紫藤掛雲樹花蔓宜陽春密葉隱商鳥香風留美人舊志

按通志據史傳李白謫夜郎未至廣西故刪之白之讀

蒼梧縣志

卷之十四

流寓傳五
袁李吳

五十四

書巖在赤水雖或出於附會但地志相沿已久不妨疑以傳疑非謂正史不足信特恐道路經行事出瑣屑新舊唐書有未暇詳載耳

吳武陵信州人元和初進士慷慨尙奇桂管觀察使李渤請爲倅通志又嘗爲容州內使獲罪刺史令廣州幕吏鞠之吏持之甚急武陵不勝其憤題詩路左佛堂潦倒嶺南而卒墓在府城桂坊橋

節府志

按唐時容州陷沒於寇皆寄理梧州或藤州武陵以一代名儒沉淪下位不得歸其故鄉府志謂墓在城北桂坊橋見輿地碑目今其地已不可考豈不惜哉詳見塚

墓

李羣玉常自五羊來訪桂州經蒼梧故人舊居有一院蕉聲暮半庭春影斜之句舊志

楊衡吳興人游嶺南在蒼梧與陳羽念別有碧桂水連海

蒼梧雲滿山之句舊志

蘇軾字子瞻眉山人紹聖初謫瓊州會弟轍貶雷州同道

過蒼梧停舟洗馬灘下有相與乘一葉夜下蒼梧灘又

江月夜夜好雲山朝朝新之句梧人因名其山曰蘇山

舊志貶瓊州至梧會弟子由亦謫雷州適先過梧追晤

於藤同至雷州渡海而別徽宗立移永州還廉乃作竹

蒼梧縣志

卷之十四

流寓傳五
李楊蘇黃

五十五

簾下水厯容藤至梧與子邁約移家會於梧後赦還府志

按蘇子瞻至梧州詩有九疑聯綿屬衡湘蒼梧獨在天

一方自題曰吾謫南海子由雷州被命即行了不相知

至梧乃聞尙在藤也旦夕當追及作此詩示之是子瞻

未嘗與子由同道過蒼梧也方回曰紹聖元年甲戌貶

惠州次年丁丑貶儋耳明年元豐戊寅改元三年庚辰

量移廉州永州自便則此詩當是元豐元年子瞻初至

梧時所作其藤州江下夜起對月贈邵道士詩乃三年

由廉州永州自便再過蒼梧時所作也

黃庭堅字魯直洪州分甯人官校書郎神宗實錄檢討官

貶涪州別駕黔州安置移戎州徽宗卽位除名羈管宜

州今慶遠宜山三年徙永州今湖南未聞命而卒宋史本傳

至梧尋勝舊志

按庭堅或於羈管宜州時過梧其所書戒石碑乃高宗
紹興二年頒賜天下時庭堅已卒舊志謂過梧爲郡守
書戒石碑者悞也詳見金石

解縉字大紳吉水人永樂間翰林學士論用兵交阯以爲
古羈縻國通正朔時賔貢而已得其地不足郡縣遂出
爲廣西參議尙書李至剛誣縉怨望貶交阯文載高煦所譖改

廣西參議李至剛誣縉怨望謫交阯過梧州愛山水多吟咏有詩

蒼梧縣志

卷之十四

流寓傳五

五十六

桂嶺東來下惡灘蒼梧細柳彩雲閒又冰井鱷池春草

合火山鮫室夜光浮舊志

程文德字舜敷永康人嘉靖乙丑進士爲編修坐同年生
楊名劾汪鋹事下詔獄謫信宜典史兩廣督撫陶諧禮
致之聘主蒼梧嶺表書院作六章示教曰自愛曰辨志
曰務實曰尙行曰敦本曰持謙諸生從遊者眾植竹院
後作棲鳳臺遷安福知縣累官大司成德行文章爲世
所重舊志參通志

沈世治字巨臣石首人順治間隸定南左翼官參將卒於
梧無子祀太平菴語在王文燦傳

論曰士可不自礪其才哉有才者處爲鄉望出則踪
蹟所至發爲文章山川增色柳州子厚宜州山谷尙
矣其流風餘韻長也梧不乏人錄之以爲養才者勸